



Sesida dals

Communitgà ils

Protocol nr.

15 d'october 2024

16 d'october 2024

825/2024

Incumbensa Bardill

concernent in post da mediaziun independent per conflicts tranter persunas privatas ed autoritads

Resposta da la Regenza

Sco gia explitgà a chaschun da la resposta a la dumonda Bardill concernent in post independent per l'annunzia da conflicts tranter persunas privatas ed autoritads dals 14 da favrer 2024 (nr. 2024–16; PCG 4/2023–2024, p. 538), è la Regenza da l'avis, ch'i valia la paina d'examinar in tal post da mediaziun (resposta da la Regenza dals 26 d'avrigl 2024, prot. nr. 363/2024; tractà dal Cussegl grond a chaschun da sia sesida dals 11 da zercladur 2024, PCG 6/2023–2024, p. 879).

Tar il punct 1: La Regenza propona da proceder pass per pass. En in emprim pass duai vegnir eruì il basegn substanzial (incl. dimensiun dals cas potenzials) per in post da mediaziun independent per conflicts tranter persunas privatas ed autoritads en l'administraziun chantunala. Sin basa da quai duain alura vegnir examinads ils differents models pussaivels ed er gist la necessitad d'ina basa legala. Tut tenor il resultat da questa examinaziun vegniss la Regenza a suttametter al Cussegl grond ina missiva ed in sboz da lescha respectiv.

Tar il punct 2: Sche la Regenza suttametta al Cussegl grond in sboz da lescha, preschenta la missiva er las consequenzas finanzialas e persunalas per instituir in post da mediaziun independent per conflicts tranter persunas privatas ed autoritads en l'administraziun chantunala. Da metter a disposiziun las resursas finanzialas e persunalas è en mintga cas en la cumpetenzza dal Cussegl grond, che sto decider en chaussa.

Tar il punct 3: En ils chantuns ed en las citads che han gia a disposiziun in post da mediaziun independent per conflicts tranter persunas privatas ed autoritads, existan

ord vista organisatorica differents models. En tscherts chantuns para il post da mediaziun d'esser organisà sco in'autorità giudiziala. Ed en auters chantuns è il post da mediaziun affilià al secretariat dal parlament u a la Chanzlia chantunala. Sco già explitgà, propona la Regenza perquai d'examinar l'emprim, tge model ch'è il pli adattà per il chantun Grischun. Quant decisivs che eventuals codexs etics u autras directives d'uniuns èn, dependa da la tscherna dal model respectiv.

Sa basond sin questas explicaziuns propona la Regenza al Cussegl grond da midar questa incumbensa sco suonda:

La Regenza vegn incumbensada d'examinar il basegn d'in post da mediaziun independent per conflicts tranter persunas privatas ed autoritads per l'administraziun chantunala; suenter duain vegnir evaluads ils differents models e la necessitad d'ina basa legala sco er las consequenzas persunalas resp. finanzialas e magari duai vegnir suttamessa al Cussegl grond ina missiva correspondententa.



En num da la Regenza
Il president:

Dr. Jon Domenic Parolini

Il cancellier:

Daniel Spadin